

"Pinhas (boka di **Bròns**), yu hòmbèr di Eleazar, yu hòmbèr di saserdote Aaron, a kita **Mi Furia** for di riba e yunan di Israel dor ku e tabata **Zeloso** ku **Mi Zelo** meimei di nan, asina ku **Mi** no a destruí e yunan di **Israel** den **Mi Zelo**. Pa esei bisa: 'Mira, **Mi** ta dun'é **Mi Aliansa di Pas**; i esaki lo ta p'é, i pa su desendientenan despues di djé, un **Aliansa di un Saserdote Perpetuo**, pasobra e tabata **Zeloso** pa su **Dios** i a hasi ekspashon pa e yunan di **Israel**.'" (Numbènan 25:11-13).

E boka di **Bròns** tabata **Zeloso** ku e **Zelo** di **Dios Tata** na **Honor** di e **Tabernakel** di **Dios Tata**. **Zelo** den **Hebreo** ta nifiká **Amor**, **Preokupashon**, **Envidioso**, **Entusiasmo**, **Pashon**, **Rabia**, **Furia**.

**Kristu Hesus, Yeshua Mesias, Esun Ungi** ta **nos Tabernakel**  
**Kristu Hesus** ta **Zeloso** pa **nos** ku e **Zelo** di **Dios Tata** pa e **Tabernakel** di **Dios**  
**Kristu Hesus** ta **Amor** pa **nos** ku e **Amor** di **Dios Tata** pa e **Tabernakel** di **Dios**

E **shete** ophetonan di e **Tabernakel**.

1. E **Altar di Sakrifisio** traha di **Palu di Akasia**, furá ku **Bròns**.
2. E **Labamano** traha di **Bròns**.
3. E **Kandelar; Lampi di Kandelá** traha di **Oro puru**.
4. E **Mesa di e pan di Presensia** traha di **Palu di Akasia**, furá ku **Oro puru**.
5. E **Altar pa kima Sensia Aromátiko** traha di **Palu di Akasia**, furá ku **Oro puru**.
6. E **Arka di Konvenio òf Testimonio** traha di **Palu di Akasia**, furá ku **Oro puru**.
7. E **Trono di Grasia** ariba **Arka di Konvenio òf Testimonio** traha di **Palu di Akasia**, furá ku **Oro puru**.

**Shete** ta nifiká den **Hebreo**: **Komplementashon Sagrado**, **Perfekshon Kompleto**, **Perfekshon Spiritual**, **Perfekshon Físiko**.

Awor e **materialnan** menshoná den e **shete** ophetonan di **Tabernakel**; **Palu di Akasia**, **Bròns** i **Oro puru**.

**Palu di Akasia** ta un palu fuerte, ku por resistí hopi, despues di madures e por soportá hopi korupshon (**Salmo 16:10**).

**Bròns** tin e kapasidat pa soportá temperatura hopi kayente, hopi aflikshon, hopi difikultat, hopi gòlpinan (**Isaias 53:7**).

**Oro puru** ta representá rikesa, divinidat, fleksibilidat, puresa, duradero, briante, superioridat, presioso (**Revelashon 21:21**).

**Kristu Hesus, Yeshua Mesias, Esun Ungi** ta **nos Sakrifisio**, ta **Laba nos** limpi di pika, ta **nos Lampi di Kandelá**, ta **nos pan di Presensia**, ta **nos Sensia Aromátiko**, ta **nos Konvenio**, ta **nos Testimonio**, ta **nos Trono di Grasia**, ta **nos Tabernakel**, ta **nos Zelo**.

**Kristu Hesus, Yeshua Mesias, Esun Ungi** ta **nos Palu Fuerte**, ta **nos Madures**, ta **nos Resistensia** kontra korupshon, ta **nos Sosten** kontra aflikshon i den difikultat, ta **nos Rikesa**, ta **nos Puresa**, ta **nos Fleksibilidat**, ta **nos Presioso**, ta **nos Tabernakel**, ta **nos Zelo**.

**Kristu Hesus, Yeshua Mesias, Esun Ungi** ta **nos Pashon**, ta **nos Entusiasmo**,  
ta **nos Furia**, ta **nos Amor**, ta **nos Tabernakel**, ta **nos Zelo**.

7 April 2017

Sea Bendishoná den e Amor di Yeshua Mesias

Rev. Remsly L Riley